



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Ad Felicem Bitvricensem, in turrim eius.

urn:nbn:de:hbz:466:1-15324

ANNO CHRISTI 567. aperte constet, quod post obitum Clotharii regis (qui contigit anno 51. post mortem Clodouei, postque natum Christum 565.) Francia regnum inter quatuor eius filios hosce, Charibertum, Chilpericum, Gunteramnum & Sigebertum, diuisum fuerit, concedere oportet annum sextum Chariberti cum 570. Christi nati concurrere, eodemque tempore hanc Synodus celebratam esse.

⁴ *Vt corpus Domini in altari, &c.] Prohibetur ne corpus Domini inter sacras imagines super altari poni solitas ponatur, sed potius collocetur sub ipsa cruce, quæ in meditullio ipius altaris poni consuevit. His temporibus corpus Domini intra columbam argenteam conseruabatur. Legitur enim in actis sancti Basili, quæ Amphilochii nomine inscripta habentur, isto saeculo sacram eucharistiam intra columbas argenteas repositam fuisse. Has a Seuero furtim sublatas fuisse, monachi Antiocheni in libello quem quinta Synodo obtulerunt, conqueruntur. Hic asseruandi modus a Synodo prohibitus esse videatur, dum præcipit, ne in ordine imaginario collocetur. Probabile est quod occasione illius prohibitionis Felix episcopus Bituricensis, cuius nomen huic Synodo subscriptum est, ad sacratissimam eucharistiam asseruandam, curauerit fieri instar turris vas aureum perelegans illud, quod Venantius Fortunatus celebrauit & descripsit sub sequente epigrammate, cui talem inscriptionem prefixit.*

AD FELICEM BITVRICENSEM,
in turrim eius.

*Quam bene iuncta decent sacrati ut corporis agni
Margaritum ingens aurea dona ferant!
Cedant chrysolithis Salomonia vasa metallis,
Ista placere magis ars facit atque fides.
Qua data Christe tibi Felicis munere sic sint,
Qualia tunc tribuit de grege pastor Abel.
Et cuius tu corda vides, pietate coequas,
Par vidua merito que dedit æra duo.*

Hæc Venantius de Felicis aurea turri. Commendatur a sancto Hieronymo epistola quarta sanctus Exuperius Tolosanus episcopus, qui tempore exundantium barbarorum, ne istiusmodi aurea sacra vasa illorum rapinæ cederent, ipsa in usum pauperum conflarat, canistro vimineo & vitreo calice corpus Domini portans. Non nisi de asseruata in ecclesia eucharistia infelli g potest illud execrandum scelus Donatistarum, quod ab Optato breuiter describitur his verbis: *Iusserunt eucharistiam canibus fundi, non sine signo diuini iudicii. nam iidem canes accensirabie ipsis dominos suos, quasi latrones sancti corporis reos, dente vindice tamquam ignotos & inimicos laniauerunt.* Cyrillus Alexandrinus redarguit hunc primum emergentem errorem illorum, qui putabant eucharistiam in sequentem diem non esse seruandam. Nam ad Calosyrium episcopum Arsotem scribens, sic ait: *Porro alios etiam esse audio, qui mysticam benedictionem nihil ad sanctificationem proficere dicant, si quid ex ea fiat reliqui in aliud diem.*

Cah. 3.
Corpus Do-
mini in ec-
clesia con-
seruati soli-
tum.

Felix Bitu-
ricensis eu-
charistiam
in turri au-
rea asseru-
uit.

Insaniunt vero qui hec afferunt: neque enim alteratur Christus, neque sanctum eius corpus immutatur; sed benedictionis vis & facultas & uisificans gratia perpetuo in ipso existit. Videant & cognoscant ex his nouatores hæretici, nouum non esse, quod extra sumptionem, in ecclesia catholica sacro sanctum corpus Christi in altari afferueretur.

ANNO
CHRISTI
167.

Cap. 21.
Chariberti
incestus
causa hic
Canon est
constitutus.

De incestis vero coniunctionibus.] Sanctissimi patres huius Concilii hunc Canonem statuisse videntur ad corrigendum ipsum regem Charibertum incestus crimine labefactatum; utpote qui Marco-uefam coniugis suæ Meroflendis sororem sibi nefarie copulasset. Sed cum huius Canonis auctoritate apud eum nihil aut parum effectum fuisset, sanctus Germanus Parisiensis episcopus eumdem excommunicauit, cum ad poenitentiam agendam monitus, peccare non desisteret. Post hæc, inquit Gregorius Turonensis lib. 4. cap. 26. hist. Franc. Marcouefam Meroflendis scilicet sororem coniugio copulauit; pro qua re a sancto Germano episcopo excommunicatus est uterque: sed cum eam rex relinquere nollet, primum illa percussa iudicio Dei obiit: nec multo post & ipse rex post eam decepit Charibertus. Hæc de incestu regis Chariberti Gregorius.

Cap. 23.
Occasio
Canonis.

Quoniam reliquorum sunt aliqui, qui digni sunt forma cantari.] Huius Canonis fanciendi causam dedisse videntur hymni illi, quos Venantius Fortunatus haud pridem de cruce cecinerat, quique ab ecclesia recepti, haec tenus pie saneteque concini consueuerunt.

Cap. 24.
Causa legis.

Quod dum inter se sauiunt domini nostri.] His verbis insinuatur, qua occasione hæc constitutio, de bonis ecclesiæ non inuadendis, hic repetita fuerit: nimirum, quod cum regis ærarium frequentia bellorum ciuilium euacuatum esset, milites inuaserint bona ecclesiæ, atque inde sibiipsis stipendia persoluerint.

Pœna sacrilegiorum.

Vt non solum excommunicatus, sed etiam anathematizatus moriatur. Hoc loco patres Concilii temporalem pœnam imprecantur direptoribus bonorum ecclesiasticorum. Ea pœna sacrilegium puniri Deo gratum fuisse, plura exempla declarant. De quodam diacono, qui relicta ecclesia fisco se publice iunxerat, narrat Gregorius Turonensis libro de gloria martyrum cap. 17. quodcum is aliquando usurpat de gregibus sub nomine martyris Iuliani, & in clamantibus pastoribus eos esse sancti martyris Iuliani, & ille irridens respondisset, *putasne quia Julianus comedit arietes?* post multos dies cum non religione, sed casu transiens ante sepulcrum beati martyris ibi obdormisset, tanta tamque ardentí febre corripetur, vt clamaret se incendi per martyrem, & crimen confiteretur: cumque deprecaretur quanta maxima posset voce, iactari super se aquam, tamquam de fornace, ita fumus egrediebatur de corpore. Interea miser artus combusti in nigredinem conuertuntur; vnde tantus procedebat foetor, vt tolerari vix posset: atque ita spiritum exhalauit. De rege Chariberto narrat idem Gregorius lib. 1. de miraculis S. martyr. quod cum loco sacro, qui fuerat in honorem sancti Martini consecratus, stabulum erexit, omnium eorum illuc introductorum iacturam fecerit; monitusque redde-

Chariberti
sacrilegiū.

rc

ANNO CHRISTI 567. re, quod iniuste occupabat, responderit: *Sive iniuste, sive iniuste reddi debeat, me regnante hanc basilicam non habebit.* Quo sacrilegio cum haud dubie diuinum numen grauissime offendisset, paulo post regno simul & vita iussu Dei vindicis exutus fuit.

[*Pretextatus.*] De Prætextato, Germano, Felice, Domitiano & Domnulo hic subscriptis episcopis, vide quæ dixi supra, &c.

EPISTOLA
EPISCOPORVM PROVINCIAE
TVRONICÆ AD PLEBEM MISSA
post Synodus suprascriptam.

Hortantur ut imminentem cladem auertere studeant: ideoque nuptialia vota differant, rerum omnium decimas persoluant, cum inimicis redeant in gratiam; mancipiorum etiam decimas offerant, & qui mancipiis carent, pro singulis filiis singulos dent tremisses. incestas denique coniunctiones dissoluant.

PONTIFICALIS est ordinis, ad suam solitudinem infatigabiliter reuocare, quidquid ad correctionem populorum, imo magis filiorum spiritualium, quantum est fas intelligere, cognoverit pertinere; & non, quod absit, cum suo periculo alienæ spei per suam negligentiam facere detrimentum, si quod ad generalis salutis spectat compendium, sedulo necesse est prouidere tractatu. Denique pastor cum lupo videtur connuentiam facere, si permittit rapere, cum possit obstatre: præsertim cum sermone propheticō animæ commissæ plebis requirantur ad singula de manibus sacerdotis. Vnde quantæ culpæ teneantur reatu dominante subiectus, qui cessat alicui poculum sanitatis porrigere, quod cum non dederit alteri, se facit extingui, & in se vindictam videtur excipere, de qua crimen alter admisit, cum vix quisque sufficiat sua flendo facta purgare? Sed ne alieni facinoris teneamur adstricti, ecce oris nostri buccina ad aures omnium personarum: neque se deinceps excusabit non monitum, qui quod sequi debeat tam verbis, quam literis edocetur. Sed sicut nos incessanter dicere, ita vos decet libenter audire: vt nec nos semen in spinosam segetem videamus effundere, nec vos patiamini sterilis agri culpa damnari: sed commune sit gaudium, quod a nobis panditur, & a vobis impletur; vt cum dominus yniuersæ messis aduenient.

Concil. Tom. 12.

Iii